

اداره خانه سی :

بازید جامع شریفی تربہ قاپسی
قارشیسندہ

اسلامک نفعنے خادم مقالات
دم التشکر قبول ونشر اولونور

یازانک شخصیتی دکل، یازینک احمیتی
نظردقته آلتیر .

کلن یازیلردن شایان قبول کوروللر
تألیف صیراسیلہ درج ایدیلیر .

کونده ریلہ جک آثار ، اوقوناقلی
ومختصر جہ یازیلش اولمالیدر .

دینی، علمی، ادبی، اجتماعی

مختل

۱۳۳۸

بسم الله الرحمن الرحيم

مرکز توزیعی :

باب عالی جاده سندہ (اتحاد
تجارت) کتبخانہ سی

آبونہ بدلی :

سنہ لکی ۱۰۰ غروش
آلتی آلتی ۵۰

۴۰۰۰ لک اجنبیہ ایچین ۲۵ غروش خم
اولونعالیدر .

آبونہ قیدی معاملہ سی ہر سنہ تک برنجی
وایکہ سی آلتی آلتی اعتباراً اجرا اولونور

صاحبی ، مدیری ، محرری :

فی: غروش

محرم

۱۳۴۳



جلد

۵

عدد

۵۱

نمبر ہات:

سنہ جدیدہ تاریخی - طاہر المولوی . مفسرین آراستہ کی صوری اختلافات - برعمہ لی
مختل دینی و علمی : جودت افندی . اوروج مسئلہ سی حقندہ جواب - اسکیلی عاظم افندی . ابراہیم وسارہ
علیہما السلام مسئلہ سی - طاہر المولوی . کائنات ومنظومہ مزک صورت تشکی - عبدالرحمن بک . قویروقلو ییلدیزلر
ودنیانک صوکی - سعدی بک . مورمون دینی وتعدد زوجانہ دائر . جزائر ، فاس وتونسندہ یکی بر لاتین ملتی -
رشید مظهر بک .

مختل ادبی و تاریخی : حسی بر تاریخ و تاریخی بر حقیقت - سعود المولوی بک . رجب وحی - محی الدین مکی بک .
جامع ازہر - علی ذکی افندی .

سنہ جدیدہ تاریخی :

عبدعاجزہ بالاہہ درج ایلہ دیکم قطعہ تاریخیہ
۱۳۴۳ رقتی کوسترن (سنہ الفیض جمال) ترکیبی
فال خیرعد ایتدم وسنہ لردنبری عالم اسلامہ حکمران
اولان تجلیء جلالتک مبدل جمال اولاجفنه تبشیر
معنوی صایدم . ان شاء اللہ . ظنمدہ اصابت ایدیورم .

الہی مسلمانلرک کوروب آجیقلی حالی

ایشیت اوکیمسہ سز لک تضمرات بالی

ادامہ ایتہ ، الویرر محق اولان نکالکی

مبدل ایت جمالکہ تجلیء جلالتک

محفلک ۳ و ۱۵ نجی نسخہ لرنده محرمہ دائر

تاریخی واجتماعی ایچہ معلومات واردر .

طاہر المولوی

غالبا مرحمت شاملہ سیلہ حقک

متبدل اولہ جق غیری تجلیء جلال

کلدی الہام خدا مثلی حریم فکرہ

(سنہ الفیض جمال) اولدی بوییل ، مشعرسال

مبدأ تاریخمزک ۱۳۴۳ نجی دورہ سنی لطف

الہی ایلہ ادراک ایدیورز . جناب حق ، بودورہ بی دہ ،

آتیدہ کی حسن امثالی دہ امت محمد حقندہ متیمین ایلہ یہ .

معلومدریا ، علیہ الصلاۃ والسلام افندیز ،

بعض کلہ لردن تفال ایدردی . مثلاً : ہجرت نبویہ

اثناستندہ سوء قصد فکرلہ قارشیسندہ چیقان (بریدہ

بن الحصبیب الاسلامی) نک اسم ونسبتندن تفال ایلہ مش

(ردلنا الامر) و (سلمنا) یعنی « ایشمز ، لطیفلہ شدی »

و « سلامتہ ایردک » بویورمشدی .